

**AMATEEKA GEBY'OKULYA
NEBYOKWAMBALA**
الأطعمة واللباس - أوغندي



جمعية الدعوة والإرشاد ونوعية الجاليات في الزلفي
هاتف: 966 164234466 - فاكس: 966 164234477

OKULAMULA OKUKWATA KUBY'OKULYA أحكام الأطعمة

Yalagira Allah abaddube okulya ebintu ebirungi era n'abaziyiza okulya ebintu ebibi nga bw'agamba Allah mu Surat Baqara aya 172

قال تعالى: ﴿يَا أَيُّهَا الَّذِينَ آمَنُوا كُلُوا مِن طَيِّبَاتِ مَا رَزَقْنَاكُمْ ...﴾

[البقرة ١٧٢]

"Abange mmwe abakkiriza mulye mu bintu ebirungi byembagabidde".

Nga n'ensibuko y'ebiriibwa kwekuba nti byonna bikkirizibwa, okujjako ebyo ebibeera byawuddwamu nti biziiziddwa ate nga kiriko obujulizi, kuba Allah yakkiriza abaddube abakkiriza ebintu ebirungi babeere nga beegasa nabyo. Bwekityo tekikkirizibwa kweyambisa byengera bya Allah mu kumujooga. Era yannyonyola Allah abaddube ebyo byeyabaziyiza mu biriibwa, nemubinywebwa, nga bwagamba mu suratu Ani-am aya 119 agamba nti:

قال تعالى: ﴿وَقَدْ فَصَّلَ لَكُمْ مَا حَرَّمَ عَلَيْكُمْ إِلَّا مَا اضْطُرِرْتُمْ إِلَيْهِ﴾

[الأنعام: ١١٩]

"Mazima mwannyonyolwa ebyo ebyabaziyizibwako okujjako ebyo byemubeera mukakiddwa kubyo".

Kitegeeza nti ebyo byonna ebibeera bitanyonyodwa nti tebikkirizibwa bibeera bikkirizibwa. Ky'ava agamba omubaka swalla Llaahu alaihi wasallama mu hadith eyawandiikibwa Twabaraan egamba nti:

قال رسول الله ﷺ: ((إن الله فرض فرائض؛ فلا تضيعوها، وحد حدوداً؛ فلا تعتدوها، وحرم أشياء؛ فلا تنتهكوها، وسكت عن أشياء رحمة لكم من غير نسيان؛ فلا تبحثوا عنها)) [رواه الطبراني].

Agamba omubaka swalla Llaahu alaihi wasallama nti:
"Mazima Allah yalaalika amateeka temugeza nemugasuula muguluka, era nassaawo ensalo temuzisukka, n'aziyiza ebintu temubyebagala, nasirikira kubintu ebimu nga ku saasirakwe gyemuli wabula nga teyeerabidde bwerabizi kale temubinonyerezaako (temubinonooza)"

N'olwekyo buli kyonna ky'atanyonyola Allah wadde omubakawe swalla Llaahu alaihi wasallama bwa haraamu bwakyo mu biriibwa n'ebinywebwa

n'ebyambalwa, tesaana kuvaayo muntu yenna nabiharamisa, era nga etteeka bwerigamba nti: *Buli kintu kyonna ekiriibwa nga n'obutukuvu kitukuuvu era nga tekirina kabenje akadda eri omuntu nga akikozesezza kiba kikkirizibwa*".

Obutafaanana nga byakulya biri nagisi oba ebiyina akabenje nga ekintu ekifudde kyokka n'omusaayi n'omwenge nesigala nekinagisiwavu ekyo ekyetabiseemu ennagisi n'ebiringa ebyo bibeera haraam kuba bibi era birina akabenje.

Ekintu ekifudde kyokka era ekitakkirizibwa kyekyo ekifudde nga tekisaliddwa munsala ey'obusiramu. Era n'omusaayi ogutakkirizibwa (kuliibwa) gwe musaayi okusammuka (nga basaze ensolo). Wabula ggwo ogusigala mu nnyama oluvannyuma lw'okusalwa n'ogwo ogusigala mumisuwa gyekisolo ogwo gukkirizibwa.

EBIRIIBWA EBIKKIRIZIBWA BILIMU EMITENDELA EBILI

Ebisolo, nebimera. Bino bikkirizibwa okuliibwa kasita biba nga tebirina kabenje kabivaamu. Kati ate n'ebisolo byateekululwamu emiteeko ebiri: Ebisolo ebiwangaalira kulukalu, nebisolo ebiwangaalira munyanja. Byonna ebiwangaalira munyanja byo biri Halaali byonna okutwalira ewamu, era sikyatteeke kumala kubisala okubirya kuba kikkirizibwa okulya ekiwangaalira mu nnyanja newekiba kifudde bufi nga tekisaliddwako.

N'ebisolo ebiwangaalira ku lukalu bikkirizibwa okulya okujjako ebyo ebika obusiraamu bwebyaziyiza nga nabyo:

- 1.** Endogoyi nembizzi
- 2.** Ekirina amannyo amasongezo era nga gekiyiggisa.

Bwebityo n'ebinyonyi nabyo biri halaali okujjako obusiraamu bye bwagaana nga;

1. Ekyo ekirya ebifudde era ebivunze, nga akakubampanga, mpaabaana ne nnamunjoona.
2. Ekyo kyonna ekiyiggisa enjala.

Agamba omubaka swalla Llaahu alaihi wasallama mu hadith eyawandiikibwa Imaam musulimu nti:

قال ابن عباس رضي الله عنه : (نهى رسول الله - صلى الله عليه وسلم - عن كل ذي ناب من السباع، وعن كل ذي مخلب من الطيور) [رواه مسلم: ١٩٣٤]

Agamba Ibun Abass nti: *"Yaziyiza omubaka swalla Llaahu alaihi wasallama okulya ekisolo kyonna ekiyiggisa amannyo amasongezo, n'ekinyonyi kyonna ekiyiggisa enjala"*

Era waliwo ebirala ebitali mw'ebyo ebinyonyodwa mu bisolo ne mubinyonyi biri halaali gamba enjamiya nebitambuza amagulu ana enkoko entulege akamyu n'ebirala.

Ekisolo oba ekinyonyi ekimanyidda nti kiryana enagisi nga embaata, tekikkirizibwa kuliibwa okutuusa nga omaze okukisiba ennaku ssatu nga kiriisibwa eby'okulya ebyonjo byokka, ennyama yakyo esobole okuggwamu obukyafu buli bwekyalya.

Era kitamwa okulya obutungulu oba katungulu-cumu n'ebirala ebivaamu olusu olubi mukiseera nga oghenda kumuzikiti.

Oyo abeera akakiddwa okulya ekintu ekiri haraamu olwembeera esaanyawo obulamu bwe, oyo

akkirizibwa alyeko ekigero ekyo ekimubezaawo bwekitaba kya butwa.

N'oyo ayita kunnimiro yebimela ebiri ku muti oba ebyagwa byokka ewatali kikomela kuyo era nga teriiko mukuumi, akkirizibwa okulyako naye nga tasiba kutwala kintu kyonna mubyo, era takkirizibwa kulinya muti mumiti gyabyo kunoga wabula alya kw'ebyo ebigudde byokka era takkirizibwa kukuba biri waggulu kintu kyonna mubyo wadde ebyo ebikunyanizidwa okujjako olwa naakola ntya.

AMATEEKA G'OKUSALA

Kabeera kakwakkulizo mubukwakkulizo eri ebisolo by'okulukalu okuliibwa biba biteekwa okubeera nga bisaliddwa olusalwa obusiraamu lwebukkiriza.

Okusala; kw'ekusala obulago bw'ekisolo ekiriibwa negikutulwa emisuwa gyakyo egy'obulamu, era tekikkirizibwa kuliibwa ekisolo ekibeera kitasalidwa kuba kiba kibalibwa mubifudde byokka.

Okusala kuliko obukwakkulizo buno:

- 1.** Omusazi alina okuba nga atuukanye okusala, era olwo alina okuba nga ategeera, musilamu, oba nga ali muba Ahalil kitaabu. Takkirizibwa kusala oyo omulalu oba omutamiivu oba omwaana omuto

atannayawula, kulya byebasazeeko' kuba abo okusala kwabwe tekuba kutuufu olw'obutaba na bwongo butuufu. Era tetukkirizibwa kulya ky'asaze oyo asinza ebibumbe oba asinza omuliro oba asinza entaana.

2. Okubaawo kwekikozesebwa okusala kibe kiso, oba mu mayinja n'ebirala (kasita biba nga bisala) okujjako erinnyo oba eggumba oba olwaala bino tebikkirizibwa kubisazisa.

3. Okkutula obulungi ensingo neddokooli n'ebirala mumisuwa ekisolo mwekiyita okubeera ekiramu munda yakyo nga n'ekigendererwa okubeera nga ebifo nebintu bino byebisaribwa kubeera kufulumya musaayi kubanga ekifo kino eky'obulago kigatta emisuwa era bwegikutulwa kyanguyiza omwoyo gwakyo okuvaamu amangu nekirongoosa enyama yakyo n'okwanguyiza ekisolo obutalumwa nnyo nga kisalibwa.

So nga n'ekyo ekiba kiremeredde okusalibwa mukifo ekinyonyoddwa olw'obutafuna kutebenkera mu kusala mubulago, gamba okubeera nga tuyigga kiyigge nebirala, kubeera okusalibwa kwakyo kukituusako bisago mukifo kyonna kumubiri gwakyo,

era nga ekituuka kukisolo ekikubidwa n'ekintu ekizito oba ekyo ekigudde okuva ewantu ewawanvu oba ekitomeddwa nensolo zinnaakyo oba ekiyigiddwa n'ensolo, bino byonna bikkirizibwa okuliibwa ku kakwakkulizo k'okuba nga bisangiddwa bikyalimu obulamu nebisalibwa.

4. Omusazi alina okusoma nga agenda okusala nti: *Bismillah*, era kiri sunna okwongera kubisimi nayongelako takbiira nagamba nti: *Bismillah Allah akibar*.

EMPISA Z'OKUSALA:

- 1.** Kitamwa okusala ekisolo nga okozesa ekiso ekitali kyogi
- 2.** Kitamwa okuwagala ekiso nga ekisolo ky'ogenda okusala kikulaba
- 3.** Ekisinga obulungi kwe kusala ekisolo nga okitunuzza mu kibula
- 4.** Kitamwa okukitemako ensingo nga tekinafiira ddala, ne sunna kwekusala ente n'embuzi ng'obigalamizza kuddyo wabyo nenjamiya nga eyimiridde esibiddwa omugulu gwa kkono ogwomumaaso.

OKUYIGGA

Okuyigga kukkirizibwa singa wabaawo obwetaavu bwakwo. Naye singa gubeera muzannyo buzannyo obusiramu bukitamwa.

Wabula okuyigga kuno oluvannyuma lw'okugitta ensolo n'okugikwata birimu engeri bbiri;

1. Okusanga ensolo nga ekyalimu obulamu, eyo kyatteeka okusalibwa.

2. Okugisanga ensolo eyo nga emaze okufa oba ekyalimu obulamu obutonotono, mu mbeera eno, eyo eba ekkirizibwa.

Era omuyizzi atekebwako obukwakkulizo bwebateeka ku musazi.

1. Ateekwa okubeera nga ategeera musilam oba Ahalil kitabu. Takkirizibwa omusilamu okulya ekyo kyayizze omulalu ng'omutamiivu oba asinza omuliro (majuusi) oba omusamize oba asinza ebibumbe n'abalala abalinga abo mubakafiiri.

2. Kiteekwa okubeera effumu oba ekitala oba ejjambiya oba kyonna kyayiggisa okubeera nga kiwagaddwa bulungi kiyina obwoji okusobola

okufulumya omusaayi, sossi njala oba manyo. Era kiteekwa kuba nga kituusa ebinuubule ku nsolo lwakusala kwakyo sossi lwabuzito bwakyo.

Ebinuubule ku kiyiggiddwa nga bikituusiddwako mbwa enjizzi gyebaayigiriza okuyigga ekyo kyesse kikkirizibwa okuliibwa.

Ensolo etendekeddwa okuyigga yeeyo bw'eba etumiddwa, bwekwata kyeyigga ekikwatira mukama waayo era bw'ekikwata ekireeta gy'ali, wabula tekyekwatira yyo nga kyayo.

3. Okubeera nga ky'akozesa okuyigga yakikasuse nekitta ensolo, naye singa kigwa kyokka gamba kimuvudde mu ngalo nekifumita ensolo nga tagenderedde, eyo ensolo teba halaali gyali kuba teyabadde nanniya egifumita. Era Kyekimu singa embwa yeetuma yokka nga ssi y'agisindise netta ekisolo, kiba tekiri halaali olw'okuba nti tekwabadde kusalawo nakigendelelwa kwa nannyini mbwa.

Wabula singa akasuka effumu ye kenyini nga ayina ensolo gy'agenderedde n'afumita endala oba n'afumita nyingi ezisukka muzeyagenderedde ezo zonna ziba halaali ebbanga ly'amala nga

akakwakkulizo ak'okuna kubw'omuyizzi akatuukirizza nga nako,

4. Okusoma *Bisimillah* nga ogenda okkasuka akasaale oba effumu oba ekilala ky'ayiggisa nga embwa. Osaana okimanye nti okulunda embwa kukolebwa ku lw'ebyo omubaka swalla Llaahu alaihi wasallama byeyakkiriza byokka ebisatu:

- 1.** Okuyigga
- 2.** Okukuuma
- 3.** Okukuuma ennimiro

OKULAMULA KU KWAMBALA

أحكام اللباس

Obusiraamu ddini nungi era nyonjo. Yakkiriza omusiraamu okulabikira mu kifananyi ekiyonjo era ekirungi. Yatukubiriza kubyo, bwatyo Allah yatonda ebyo byetusobola okkozesa okusobola okubikka emibiri gyaffe ate era nga tweewunze bulungi.

Agamba Allah mu Surat A-araafu aya 26 nti:

قال تعالى: ﴿يَا بَنِي آدَمَ قَدْ أَنْزَلْنَا عَلَيْكُمْ لِبَاسًا يُؤَارِي سَوَاتِكُمْ
وَرِيثًا وَلِبَاسُ التَّقْوَىٰ ذَٰلِكَ خَيْرٌ ذَٰلِكَ مِنْ آيَاتِ اللَّهِ لَعَلَّهُمْ
يَذَكَّرُونَ﴾ [الأعراف: ٢٦]

"Abange abaana ba Adam mazima twassa gyemuli ekyambalo mubikke naky obwereere bwammwe era mwewunde nabyo, nebyambalo byokutya Katonda, ekyonno nga kyekirungi era ekyo kiri mu bubonero bwa Allah obulaga obukulu n'obuyinza bwe oba alyawo ne mwebuulirira nabyo".

Okwambala kuli halaali kwakkirizibwa okujjako okwo okuliko obujulizi obutelevu nga bukugaana era

obusiraamu tebwaterkawo kika kyangoye kyeyawulidde, wabula bwassaawo obukwakkulizo obuteekwa okutuukirizibwa kulugoye omusilamu omukkiriza lwateekwa okwambala, nga mwemuli buno:

1. Olugoye lw'ayambala omukkiriza lutekwa okubeera nga lubikka obwereerebwe ate nga telumukutte nnyo kutuuka kulaga mubiri gwe nga bwegwakula.

2. Era teluteekwa kubeera mw'ezo engoye ezimanyidwa nti bw'olwambala obeera wefanaanyirizza abakaafiiri, oba abo abamanyiddwa nti beebagala ebikolwa ebitamwa muddiini.

3. Era tetuteekwa kwambala lwa kalandabe bampane era nga teruliimu kudiibuuda mumiwendo gyalwo.

Olugoye bwerubeera nga lutuukirizza obukwakkulizo obwo, bwatyo omusiraamu ayina eddembe okwambala olwo lwaba ayagadde okusenziira ku bwetaavubwe era n'engeri nekikula ky'engoye ezimanyiddwa mu bantu b'ekitundu gyawangaarira.

Ne mu bintu ebiriko obujulizi obubigaana mubyambalwa bye bino wammanga:

1. Omusajja okwambala feeza oba zaabu. Wabula bbo abakyala bakkirizibwa nga bwekyajja mu hadith ya Ali eyawandiikibwa Nasaa-i ne Abu dawuda ne Ibun Maaja nti:

لحديث علي بن أبي طالب - رضي الله عنه - أن النبي - صلى الله عليه وسلم - أخذ حريراً فجعله في يمينه، وأخذ ذهباً فجعله في شماله، ثم قال: «إن هذين حرام على ذكور أمتي» [رواه النسائي وأبو داود وابن ماجه]

Agamba Ali bun Abii-Twalib nti mazima nabbi swalla Llaahu alaihi wasallama yakwata feeza n'amuteeka kuludda lwe olwa dyo nakwata ne zaabu namusa kukkono oluvanyuma n'agamba nti:

"Mazima bino byombi biri Haraam eri abasajja ba Ummah yange".

Wabula tekirina kabi singa omusajja ayambala empeta eya feeza oba okwambala ekintu nga kitabudwamuko ka feeza mwebyo abasajja bye bambala nga essaawa.

2. Okwambala ekintu ekiriko ekifananyi ekyekintu ekirina omwoyo tekikirizibwa eri omusiraamu, kakibeere kifananyi kya muntu oba ekyensolo, kakibeere mu byambalo oba ebyewundwa nabyo nga

ebikomo, empeta nebirala, nga bwekiri mu hadith eyawandiikibwa Imam Bukhar ne Muslim egamba nti:

فمن عائشة - رضي الله عنها - أنها اشترت نمرقة فيها تصاوير، فلما رآها رسول الله - صلى الله عليه وسلم - قام على الباب ولم يدخل، قالت: فعرفت في وجهه الكراهية؛ فقلت: يا رسول الله أتوب إلى الله وإلى رسول الله، ماذا أذنبت؟ فقال رسول الله صلى الله عليه وسلم: «(ما بال هذه النمرقة؟)» فقلت: اشتريتها لك لتقعد عليها وتوسدها. فقال رسول الله صلى الله عليه وسلم: «(إن أصحاب هذه الصور يعذبون يوم القيامة، فيقال لهم: أحيوا ما خلقتم)» ثم قال: «(إن البيت الذي فيه الصور لا تدخله الملائكة)» [متفق عليه: ٢١٠٧، ٢١٠٥].

"Mazima yye yagula akagoye nga kalimu ebifaananyi. Naye bweyakalaba omubaka wa Allah swalla Llaahu alaihi wasallama yayimirira mumulyango natayingira. Aisha agamba nti nemmanya bwenatunula mu kyenikye nti ayina kyatamidwa kyatasiimye, nengamba nti: owange omubaka wa Allah nenenya eri Allah era nenenya eri omubaka wa Allah, abaffe zambiki lyenkoze? N'agamba nti: nakaguze nga nkagulidde ggwe okatuuleko era okesigameko. Omubaka wa Allah swalla Llaahu alaihi wasallama nagamba nti: Mazima bannanyini bifaananyi ebyo bagenda kubonerezebwa olunaku lw'enkomerero bagenda kugambibwa nti kale musseemu obulamu

mw'ebyo byemwatonda, oluvannyuma nagamba nti mazima enyumba erimu ebifaananyi teyingirwamu ba malayika (ab'okusaasira)".

3. Ne mwebyo ebiziyizibwa eri abasajja, kwekwambala engoye ezisukka obukongovule, nga bwekiri mu hadith eyawandiikibwa Imam Bukhari egamba nti:

« ما أسفل من الكعبين من الإزار ففي النار » [رواه البخاري: ٥٧٨٧]

"yagamba omubaka wa Allah swalla Llaahu alaihi wasallama nti: *"Buli kyonna ekikka wansi w'obukongovule mu ngoye nanyinizo wa mumuliro"*

Mukino twaziyizibwa okuwanvuya engoye gamba nga e kanzu oba empale oba enkutu nendala. Tetukkirizibwa kuzisussa bukongovule kukka wansi wabwo. Kino tekiri kw'oyo yekka akikola olw'akabandabe bampane, wabula kibuna buli akikola.

Ate oyo akikola olw: akabandabe bampane ate yye ekibonerezo kye kinene okusinga awo, nga bwekyajja mu hadith eyawandiikibwa Imam Bukhari ne Muslim egamba nti:

((من جر ثوبه خيلاء لم ينظر الله إليه يوم القيامة)) [متفق عليه: ٣٦٦٥، ٢٠٨٥]

Agamba Ibum Umar nti omubaka wa Allah swalla Llaahu alaihi wasallama yagamba nti: *"Omuntu yenna akweyesa engoyeze olwa kabandabe bampane, Allah tagenda kumutunulako kulunako lw'enkomerero"*.

Wabula yye omukyala ye atekwa okuwanvuya engoyeze okutuusa lwabeera nga ebigere bye nabyo bibikkidwa bulungi.

4. Era tatekwa kwambala lugoye olwo olutasobola kubikka bwerere bwe, oba olufunda ennyo olulaga ebiyungobye byonna webiyitira abeere musajja oba mukyala.

5. Era takkirizibwa omukkiriza omusajja kwambala ngoye ezifanana ez'abakyala. Era n'omukyala okwambala engoye ezifanana ez'abasajja, nga bwekyajja mu hadith eyawandikwa Imam bukhari egamba nti:

Agamba ibun Abbas nti: "Yakolimira omubaka wa Allah swalla Llaahu alaihi wasallama abasajja ab'efanyiriza abakyala, era n'abakyala ab'efanyiriza abasajja.

6. Era takkirizibwa omukkiriza okw'efananyiriza abakafiiri munyambala. Omusiraamu tateekwa kwambala ngoye z'amanyi obulungi nti zeyawulidde bakafiiri bebazambala. Nga bwekiri mu hadith eyawandikwa Imaam muslim egamba nti:

عن عبدالله بن عمرو بن العاص - رضي الله عنه - قال: رأى عليّ رسول الله - صلى الله عليه وسلم - ثوبين معصفرين، فقال: «إن هذه من ثياب الكفار فلا تلبسها» ((رواه مسلم: ٢٠٧٧)).

Agamba Abdullah bun Amuru bunul Aaswi nti:
"Omubaka wa Allah swalla Llaahu alaihi wasallama yandaba nga nina engoye bbiri nga za kyenvu, nanjamba nti mazima zino ngoye z'abakafiiri tozambala".

EZIMU KU SUNNA N'EMPISA Z'OKWAMBALA.

1. Kiri mu sunna eyo omukkiriza gy'asaana okuteeka mu nkola okusoma edduwa nga agenda okwambala olugoye olupya, nga bwekiri mu hadith eyawandiikibwa Abi Dawuda agamba nti:

عن أبي سعيد الخدري - رضي الله عنه - قال: كان رسول الله - صلى الله عليه وسلم - إذا استجد ثوبًا سماه باسمه: إما قميصًا، أو عمامة، ثم يقول: «اللهم

لك الحمد، أنت كسوتنيه، أسألك من خيره، وخير ما صنع له،
وأعوذ بك من شره، وشر ما صنع له. [رواه أبو داود: ٤٠٢٠].

Agamba Abu Saeed Al-khuduri nti: *"Yali nga omubaka Swalla Llaahu alaihi wasallama bw'abeera afunye olugoye olupya yaluyitanga erinya lwalwo, oba kanzu oba kitambala, oluvannyuma n'asaba nga agamba nti: Ayi Katonda wange gwe nannyini matendo amajjuvu era agaawaggulu, mazima Ggwe olunnyambazza, nkusaba ompe obulungi bwalwo n'obulungi, omponye obubi bwalwo nemububi obw'alukolebwamu"*.

2. Era kiri sunna omukkirirza bw'aba ayambala okusooka n'oludda olwaddyo nga bwekiri mu Hadiith eyawandiikibwa Imaam Bukhari ne Muslim egamba nti:

عن عائشة - رضي الله عنها - قالت: (كان النبي ﷺ - يحب التيمن ما استطاع في شأنه كله، في طهوره، وترجله، وتنعله) [متفق عليه: ٤٢٦، ٢٦٨]

Agamba maama Aisha nti: *"Yali nga Nabbi swalla Llaahu alaihi wasallama ayagala nnyo ebintubye byonna okubitandika nedyowe mu ngeri yonna gye yabanga asobodde, gamba mukwetukuza,*

mukusanirira enviiri, mukwambala engattoze nakwo”.

Era bwatyo bweyaba nga ayambala engattoze yasooka nga dyo ate bweyabanga azambulamu yasooka nga kono, nga bwagamba mu hadith eyawandiikibwa Imaam Bukhar ne musilim egamba nti:

روى أبو هريرة - رضي الله عنه - قال: قال رسول الله صلى الله عليه وسلم: ((إذا انتعل أحدكم فليبدأ باليمنى، وإذا خلع فليبدأ بالشمال، ولينعلهما جميعاً، أو ليخلعهما جميعاً)) [متفق عليه: ٥٨٥٥ - ٥٤٩٥].

Agamba Abu Huraira nti yagamba omubaka wa Allah swalla Llaahu alaihi wasallama nti: *"Bw'abanga ayambala engattoze omu mumwe, atandike n'okukugulu okwa ddyo, ate era bw'abanga azambulamu atandike n'okwakono era azambale zombi oba azijjemu zombi”.*

Era mu hadith eno mulimu okuziyiza omuntu okutambula n'engatto emu.

3. Era kiri mu sunna omukkiriza okutwala obuvunanyizibwa okubeera omuyonjo, omubiri gwe wamu n'engoyeze era nga bw'ateekwa okuzikuuma

nga ntukuvu obutukuvu obumanyiddwa mu busiraamu amakulu nga siziriimu bukyafu. Kuba obuyonjo gwe musingi gwa buli kintu omuntu kyeyewunda nakyo kiyina okulabikira mumbeera enungi era nga obusiraamu bwe bwakubiriza ennyo obuyonjo bw'omubili n'ebiyambalo.

Era kiba kirungi era kyagalwa nnyo okubeera nga ayambala engoye enjeru, nga bw'atuyigiriza omubaka (S.A.W) mu hadith eyawandiikibwa Abu Dawuda egamba nti:

عن ابن عباس - رضي الله عنه - قال: قال رسول الله ﷺ: ((البسوا من ثيابكم
البياض فإنها من خير ثيابكم وكفنوا فيها موتاكم)) [رواه أبو داود غيره: ٩١٥]،
على أن جميع الألوان جائزة .

Agamba Ibun abbasi nti: Yagamba omubaka swalla Llaahu alaihi wasallama "*Mwambale mu ngoye zamwe engoye enjeru mazima zzo zezisinga obulungi mungoye zamwe era mwemuba muzinga n'abafu bamwe*"

Wabula nga ne langi endala nazo zikkirizibwa naye nga zo enjeru z'ezisinga.

4. Okubeera owamasekkati era omwenkanya mu kwambala engoye mubika byazo n'okwewunda

okukkirizibwa nga bw'agamba Allah mu Surat Alfurqan aya 67 nti:

﴿وَالَّذِينَ إِذَا أَنْفَقُوا لَمْ يُسْرِفُوا وَلَمْ يَقْتُرُوا وَكَانَ بَيْنَ ذَلِكَ قَوَامًا﴾

[الفرقان: ٦٧]

Agamba Allah nga atenda abaddube abalungi nti: *"Beebo bwebaba bawaayo tebadiibuuda ate tebaba bakodo nnyo naye batambulila wakati we byo byombi"*.

Era n'agamba omubaka swalla Llaahu alaihi wasallama mu hadith eya wandiikibwa Imaam Bukhar nti:

قال رسول الله ﷺ، كما عند البخاري: «كلوا واشربوا والبسوا
وتصدقوا من غير إسراف ولا مخيلة» .

Agamba omubaka wa Allah swalla Llaahu alaihi wasallama nti: "Mulye, munywe era mwambale n'okusaddaaka musaddaake naye nga temudiibuuda era temukola lwa kabandabe bampaane.